



REPUBLIKA E KOSOVËS  
REPUBLIKA KOSOVA  
REPUBLIC OF KOSOVA



KOMUNA E LIPJANIT  
OPŠTINA LIPLJAN  
MUNICIPALITY OF LIPJAN

---

PROPOZIM

RREGULLORE  
PËR DHËNIEN DEKORATIVE NGA KOMUNA E LIPJANIT

Lipjan, 2019

Në bazë të nenit 58 të Ligjit për Vetëqeverisje Lokale Nr.03/ L-040, Gazeta Zyrtare e Republikës së Kosovës nr. 28 e datës 4 Qershor 2008, si dhe nenit 40 të Statutit të Komunës së Lipjanit 1Nr.110-623 i datës 26.09.2008, Kryetari i Komunës propozon që:

Në bazë të neneve 12 par. 12.2 pika c), 17 dhe 40 par. 40.2 pika a), të Ligjit për Vetëqeverisje Lokale Nr.03/L-040, Gazeta Zyrtare e Republikës së Kosovës, nr. 28 e datës 4 Qershor 2008, si dhe neneve 9, 20 dhe 19 par. 19.4 pika a), të Statutit të Komunës së Lipjanit 1Nr.110-623 i datës 26.09.2008, Kuvendi i Komunës së Lipjanit në mbledhjen e datës \_\_\_\_\_2019, miraton këtë:

PROPOZIM

## **RREGULLORE PËR DHËNIEN DEKORATAVE NGA KOMUNA E LIPJANIT**

### **I. DISPOZITAT E PËRGJITHSHME**

#### **Neni 1 Qëllimi**

Me këtë Rregullore përcaktohen kushtet e përgjithshme dhe procedura për dhënien e titujve të nderit - dekoratave, mirënjohjeve dhe medajleve nga Komuna e Lipjanit për qytetarët, personat juridik, shtetasit e huaj dhe organizata e ndryshme për merita të veçanta dhe kontribut ndaj Komunës së Lipjanit.

#### **Neni 2 Fushëveprimi**

Dekoratat si dhe mirënjohjet dhe çmimet tjera ndahen dhe jepen për kontribute të veçanta që kanë dhënë personalitetet e shquara dhe subjektet e tjera juridike, në lëmi të ndryshme si e humanizmit, kontributit kombëtar, kulturë, sportit dhe aktivitete të tjera në Komunën e Lipjani dhe më gjerë.

#### **Neni 3 Përkufizimet**

Me këtë Rregullore termat e mëposhtme kanë këto kuptime:

1. **"Dekoratë"** është çmimi që u ipet personaliteteve vendase ose të huaja si shenjë nderimi për arritje të veçanta personale dhe kontribut të përgjithshem.
2. **"Mirënjohje"** është çmimi që i ipet qytetarëve të Komunës si shenjë nderimi për kontribut në të mirë të qytetarëve.
3. **"Medalje"** – është çmimi që i ipet qytetarëve të Komunës për arritjet e tyre në fushen e sportit.

## II. DEKORATA DHE DHËNIA E TYRE

### Neni 4

#### Llojet dekoratave dhe çmimeve që i ndanë Komuna

Llojet e titujve-dekoratave që i jep Komuna e Lipjanit janë:

1. Dekorata - titulli “*Qytetar Nderi i Komunës së Lipjanit*” që i ipet qytetarëve që nuk janë banorë të Komunës së Lipjanit për kontribut të përgjithshëm, në të mirë të qytetarëve dhe komunitetit, që është kombëtare, liri dhe pavarësi.
2. Dekorata - titulli “*Nderi i Qytetit*” për kontribut në promovimin e Komunës i ipet personaliteteve nga Komuna e Lipjanit që me aktivitetin e tyre kanë kontribuar në promovimin e Komunës.
3. Çmimi – titulli “*Finesa*” është dekoratë e veçantë e cila u ipet krijuesve të dalluar të cilet arrin suksese të posaçme që mund të mirren si model i kreativitetit në fushën, muzikës, pikturës, skulpturës, filmit, arkitekturës apo lemejt të tjerë të artit.
4. Medalje “*Sportisti i vitit*”, i ipet sportistit – banorë i Komunës për sukseset e arritura.
5. Çmimi “*Lexuesi më i mirë i vitit*”, i ipet lexuesit – banorë i Komunës për leximin e librave jo të detyrueshme por nga dëshira për lexim.
6. *Mirënjohje - Falenderime* i ipen personave fizik dhe subjekteve juridike në shenjë mirënjohje për kontributin e dhënë Komunës së Lipjanit dhe qytetarëve të saj.
7. Dekoratat nga paragrafi 1 dhe 2, i këtij neni mund të ipen edhe personalitetev që tani më nuk jetojnë (post mortum) në nderim të veprës së tyre.

### Neni 5

#### Propozimet për ndarjen e dekoratave dhe çmimeve

1. Dekoratat - titujt “Qytetar Nderi i Komunës së Lipjanit”, “Nderi i Qytetit” mund të propozohen për t’u ndarë Kuvendit të Komunës nga Kryetari i Komunës, me shumicë të thjeshtë të anëtarëve të Kuvendit si dhe 10,000 (dhjetë mijë) qytetarë rezident të Komunës me të drejtë vote.
2. Në propozim parashtuesi i propozimit duhet të arsyetoj propozimin e tij me shkrim se kujt i propozon ti ipet dekorata, qëllimi dhe kontributi i tij/saj.
3. Vendimin për dhënien e dekoratave nga paragrafi 1 i këtij neni e merr Kuvendi i Komunës me votim të shumicës të thjeshtë të gjithë anëtarëve të Kuvendit.
4. Çmimi Finesa, Çmimi lexuesi më i mirë dhe Medalja “Sportisti i vitit”, ndahet nga Kryetari i Komunës me propozim të Drejtoratit për Kulturë, Rini dhe Sport - sportistit që arrin suksese në fushën përkatëse njëherë brenda vitit.
5. Mirënjohje dhe falenderimet mund të ndajnë organet komunale brenda fushës së kompetencës së tyre.

## Neni 6 Forma dhe dukaj fizike e dekoratave

1. Dekorata - titulli “Qytetar Nderi i Komunës së Lipjanit” përbëhet nga:

- 1.1 Çelësi i madhësisë 30 cm me ngjyrë ari që simbolizon çelësin e qytetit të Lipjanit.
- 1.2 Pllaketë bronzi me dimensione 21x30 cm të dekoruar e cila në sfond ka emblemën e Komunës së Lipjanit si dhe një certifikatë solemne të shkruar në gjuhën shqipe dhe në gjuhën amtare të atij që i ipet. Përmban të shënuar emrin dhe mbiemrin e bartësit të shpërblimit të shkruara me shkronja të gravuara në radhën e parë, dhe teksti “Qytetar Nderi i Komunës së Lipjanit” në radhën e dytë.
- 1.3. Çertifikata shkruhet në letër të fortë cilësore së paku 150 gr, formati A4, me ngjyrë ari, në sfondin e së cilës është Emblema e Komunës së Lipjanit dhe nënshkruar nga Kryetari i Komunës.

2. Dekorata - titulli “Nderi i Qyteti”, përbëhet nga:

- 2.1 Pllaketë bronzi me dimensione 21x30 cm të dekoruar e cila në sfond ka emblemën e Komunës së Lipjanit, si dhe një certifikatë solemne të shkruar në gjuhën shqipe. Përmban të shënuar emrin dhe mbiemrin e bartësit të shpërblimit të shkruara me shkronja të gravura në radhën e parë, emërtimin e dekoratës përkatëse në radhën e dytë.
- 2.2 Çertifikata shkruhet në letër të fortë cilësore së paku 150 gr, formati A4, me ngjyrë argjenti, në sfondin e së cilës është Emblema e Komunës së Lipjanit dhe nënshkruar nga Kryetari i Komunës.

3. Çmimi – titulli “*Finesa*” përbëhet nga :

- 3.1 Çmimi shoqërohet me një fletëpërcjellje të cilësisë së larte ku shënohet stema e Republikës së Kosovës, stema e komunës së Lipjanit, ku shënohet Çmimi “Finesa”.
- 3.2. Proceduara me të cilën ndahet çmimi “Finesa” bëhet nga një juri ad hoc e ngitur nga qdo vit nga Drejtoria e Kulturës.
- 3.3. Çmimi rëndom jepet një herë në vit, por jo domosdo.

4.4 . Varsisht nga konkurrenca çmimi mund të ipet më shumë se një personi.

5. Çmimi “Lexuesi më i mire i vitit” përbëhet nga:

- 5.1 Çmimi shoqërohet nga një fletëpërcjellje të cilësisë së larte ku shënohet stema e Republikës së Kosovës, stema e komunës së Lipjanit, dhe shënohet Çmimi “Lexuesi më i mire i vitit”.
- 5.2 Proceduara me të cilën ndahet çmimi “Lexuesi më i mire i vitit” bëhet nga një juri ad hoc e ngitur nga qdo vit nga Drejtoria e Kulturës.
- 5.3. Çmimi rëndom jepet një herë në vit, por jo domosdo.
- 5.4 . Varsisht nga konkurrenca çmimi mund të ipet më shumë se një personi.

6. Medalja “Sportisti i vitit”, përbëhet nga medalje me ngjyrë ari dhe certifikatë solemne të shkruar në gjuhën shqipe që përmban të shënuar emrin dhe mbiemrin e bartësit të shpërblimit dhe emërtimin “sportisti i vitit”.
8. Mirënjohje dhe falenderimet ipen në formë të certifikatave që përmban të shënuar emrin dhe mbiemrin e bartësit dhe arsyetim të shkurtë të dhënies.

### **Neni 7 Dorëzimi i dekoratës**

1. Pas Vendimit të Kuvendit të Komunës për dhënien e dekoratës, Kryetari i Komunës ja dorëzon dekoraten solemnisht të dekoruarit.
2. I dekoruari – bartësi i titullit nënshkruhet formalisht në Regjistrin e Bartësve të Titujve të Nderit, regjistër ky i cili do të mbahet nga Zyrtari për Protokoll i Komunës.
3. Në rast se personaliteti nuk jeton më, pranimin e dekorates mund ta bëjë anëtari i afërm i familjës apo personi i afërm i të dekoruarit.

### **Neni 8 Bartja dhe Revokimi i Titujve**

1. Bartësi i titullit është i obliguar që titullin ta bartë me dinjitet, duke pasur parasysh çdo herë sjelljet e tij në jetë dhe angazhimin e përditshëm dhe të ruajë autoritetin e Kuvendit të Komunës.
2. Bartësit të titullit mund t'i revokohet titulli, nëse ai me sjelljet e veta në shkallë të lartë konsiderohet që nuk është i denjë për bartjen e titullit, ose në bazë të aktgjyqimit të plotfuqishëm të Gjykatës dënohet me dënim burgu prej së paku gjashtë muaj pas marrëjes së dekoratës.
3. Revokimi bëhet në procedurën e paraparë paraprake si për dhënien e titullit (shpërblimit), ndërsa vendimi përfundimtar merret në mbledhje të rregullt të Kuvendit të Komunës.

## **III. DISPOZITAT PËRFUNDIMTARE**

### **Neni 9 Dekoratat dhe titujt e dhëna më parë**

Titujt e ndarë para hyrjes në fuqi të kësaj Rregulloreje do të konsiderohen valide dhe regjistrohen në Regjistrin e Bartësve të Titujve të Nderit.

### **Neni 10 Përgjegjës për zbatimin e kësaj Rregulloreje**

Për zbatimin e kësaj Rregulloreje obligohet Kryetari i Komunës, drejtoratët dhe Kuvendi i Komunës.

**Neni 11**  
**Hyrja në fuqi**

Kjo Rregullore hynë në fuqi shtatë (7) ditë pas publikimit në ëeb faqen e Komunës.

**Arsyetim**

INr. \_\_\_\_\_  
Lipjan, më \_\_\_\_\_2019

**KRYETARI I KOMUNËS**  
Imri Ahmeti